

四庫全書

史部

欽定四庫全書

欽定南巡盛典卷七十三

褒賞

乾隆十六年辛未

皇上駐蹕淮安

賜總漕臣瑚寶

御書額曰天儲永裕

駐蹕揚州

賜兩淮鹽政臣吉慶

御書額曰策海流膏

駐蹕蘇州

賜江蘇巡撫臣王師

御書額曰吳會風清

賜蘇州織造臣圖拉

御書額曰采章明備

賜致仕禮部侍郎臣沈德潛

御書額曰道存風雅

駐蹕江寧

賜兩江總督臣黃廷桂

御書額曰秉鉞三江

賜江寧將軍臣錫爾璫

御書額曰整武鍾山

賜副總河署安徽巡撫臣張師載

御書額曰勤襄保障

賜安徽巡撫臣衛哲治

御書額曰化洽皖江

賜江寧織造臣高晉

御書額曰黼黻文明

駐蹕杭州

賜閩浙總督臣喀爾吉善

御書額曰海疆制閩

賜署浙江巡撫臣永貴

御書額曰湖山膏雨

賜署浙江巡撫臣永貴之祖母祿布哩氏

御書額曰節勁霜筠

賜浙江提督臣吳進義

御書額曰矍鑠專閫

賜署浙江布政使臣德福

御書額曰布德

賜浙江按察使臣葉存仁

御書額曰秉憲

賜協辦大學士吏部尚書臣梁詩正之父梁文瀛

御書額曰湖山養福

賜協辦大學士吏部尚書臣梁詩正

御書額曰台階愛日

賜一百三歲翰林院侍講臣劉起振

御書額曰詞垣耆瑞

乾隆二十二年丁丑

皇上駐蹕德州

賜衍聖公孔昭煥高祖母黃氏

御書額曰六代含飴

賜山東巡撫臣鶴年

御書額曰海嶽宣勤

駐蹕淮安

賜總河臣白鍾山

御書額曰懋襄底定



駐蹕鎮江

賜在籍大學士臣史貽直

御書額曰綠野頤和

駐蹕惠山寺

賜在籍吏部侍郎臣嵇璜

御書額曰奕世宣勤

賜國子監司業銜臣顧棟高

御書額曰傳經耆碩

駐蹕蘇州

賜蘇州織造臣安寧

御書額曰虔共服采

賜在籍禮部尚書臣沈德潛

御書額曰詞宗耆碩

駐蹕江寧

賜兩江總督臣尹繼善

御書額曰惠洽兩江又

賜督署齋額曰不繫舟

賜安徽巡撫臣高晉

御書額曰江城屏翰

賜安徽布政使臣託庸

御書額曰宣惠又

賜藩署齋額曰瞻園

駐蹕雲龍山

賜徐州府署

御書額曰司牧又額曰籌河莅止

駐蹕杭州

賜閩浙總督臣喀爾吉善

御書額曰耆臣清德

賜浙江巡撫臣楊廷璋

御書額曰澤宣浙水

賜協辦大學士吏部尚書臣梁詩正之父梁文瀛

御書額曰萊衣晝永

乾隆二十七年壬午

皇上駐蹕常州

賜刑部侍郎臣錢維城之父錢人麟

御書額曰蘭陔眉壽

駐蹕蘇州

賜在籍禮部尚書臣沈德潛

御書額曰九棗詩仙

駐蹕杭州

賜閩浙總督臣楊廷璋

御書額曰惠孚兩浙

賜在籍刑部尚書臣錢陳羣

御書額曰香山耆碩

乾隆三十年乙酉

皇上駐蹕絳河行宮

賜直隸總督臣方觀承

御書聯曰歲收即是君臣福民樂多緣風雨調

駐蹕臨清

賜山東巡撫臣崔應階

御書額曰績懋東邦

駐蹕淮安

賜江南河道總督臣高晉

御書額曰底績宣勤

駐蹕揚州

賜原任順天府府尹臣程盛修

御書額曰春暉延景

駐蹕寄暢園

賜原任內閣學士兼禮部侍郎臣鄒一桂

御書額曰畫禪頤壽

駐蹕蘇州

賜江蘇巡撫臣莊有恭

御書額曰政成入贊

駐蹕杭州



賜浙江巡撫臣熊學鵬之父熊本

御書額曰祿養延祺

賜閩浙總督臣蘇昌

御書額曰惠孚海嶠

賜浙江巡撫臣熊學鵬

御書額曰浙水風清

賜浙江按察使臣李治運之母張氏

御書額曰萱榮頤慶

賜一百七歲遂昌縣訓導臣王世芳

御書額曰黌席期頤

賜在籍工部侍郎臣范燦

御書額曰耆英介景

賜在籍宗人府府丞臣徐杞

御書額曰湖山香洛

乾隆四十五年庚子

皇上駐蹕蘇州

賜原任陝西巡撫臣畢沅母張氏

御書額曰經訓克家

乾隆四十九年甲辰

皇上駐蹕淮安

賜河道總督臣李奉翰

御書額曰保障宣勤

駐蹕江寧

賜兩江總督臣薩載

御書額曰政洽東南



欽定南巡盛典卷七十三

欽定四庫全書

史部

欽定南巡盛典卷七十四

詳校官兵部主事臣雷純

欽定四庫全書

欽定南巡盛典卷七十四

籲俊

臣等謹按觀民設教王者省方之舉其義莫脩于  
易蓋必有久于其道之聖人而後能觀乎人文以  
化成天下斯籲俊之典隆焉禮記王制詳廵狩之  
典首云命太師陳詩以觀民風蓋德教之純風俗  
之盛棧樸薪樗之化古人吉士之材胥於玉輅所

經騰涌翔洽不獨輶軒是採已也後世取士科目  
多門自漢而後天子自詔則曰制舉蓋以待異能  
之選歐陽修新唐書志亦稱四方德行才能文學  
之士於天下巡狩行幸往往會見行在所以待之  
之禮甚優而宏才偉論非常之人亦時出於其間  
云江浙為人文淵藪

聖祖仁皇帝六飛蒞止諸生以詩賦獻者

欽取入館修書獲選優叙



皇上文思復旦

法駕時巡

詔諭學臣弟子之額既增其員拔萃之科復廣其制而  
於鼓篋肄雅之倫呈進詩冊者

特恩召試

親定甲乙授官中書錫之文綺蓋自辛未以來叨沐  
殊恩取額時有增益庚子歲則江右儒生亦與迎

鑾獻賦之列至甲辰並列閩省譽髦英俊連茹彙征彬

彬乎極盛之選矣而

崇文典學

教思無窮

特發帑金繕寫四庫全書三分存貯江浙名勝處所俾  
嗜古之儒獲探天祿石渠之祕流傳抄錄益廣見  
聞斯又所謂鼓之舞之以盡神者歟是以四海之  
內學校如林庠序盈門靡不爭自濯磨期副

旁求盛典取王制陳詩之義叶義經設教之占陶鑄庠

倫益光文治非誠千載一時之嘉會乎謹志

籲俊第八

欽定四庫全書

卷七十四

欽定四庫全書

欽定南巡盛典卷七十四

額俊

乾隆十六年二月初一日

上諭內閣曰朕問族觀風南巡江浙清蹕所至廣沛恩膏更念三吳兩浙為人文所萃

皇祖聖祖仁皇帝屢經巡幸嘉惠膠庠試額頻加覃敷教

澤朕法

祖省方鑾輿斯泣式循

茂典用示渥恩所有江蘇安徽浙江三省本年歲試文章  
府學及州縣大學著增取五名中學增取四名小學  
增取三名舉行一次該部傳諭各該學政慎加蒐擇  
拔取真才副朕育才造士至意

乾隆十六年二月初十日

上諭命軍機大臣傳諭浙江學政雷鉉曰浙省生監有  
進獻詩賦者爾可擇其有學有品者代為進呈

乾隆十六年二月二十七日

上諭內閣曰朕省方觀民南巡江浙羣黎士庶踴躍趨  
迎就瞻恐後紳士以文字獻頌者載道接踵愛戴之  
忱有足嘉者朕已疊沛恩膏隨時賞賚緬昔

皇祖聖祖仁皇帝時巡所至優獎士類一時碩學通才多  
蒙

鑒  
拔方策所載稱盛事焉茲之于于而來皆棧樸作人久  
道所貽也夫膠庠之秀志切近光其積學有素文采

穎異者加之甄錄良合於陳詩觀風育才造士之道  
顧工拙既殊真贗錯出理應試之無使魚目砒砅得  
混珠玉其如何分別考試著大學士傅恒協辦大學  
士梁詩正侍郎汪由敦會同該總督學政詳議具奏  
乾隆十六年三月十一日

上諭內閣曰此次考中之謝墉陳鴻賓王文曾皆取其  
最精者且人數亦不多著加恩特賜舉人授為內閣  
中書學習行走令其與考取候補人員一體補用併



仍准其會試

乾隆十六年三月三十日

上諭內閣曰此次考中之蔣雍植錢大昕吳烺褚寅亮  
吳志鴻著照浙省之例特賜舉人授為內閣中書學  
習行走與考取候補人員一體補用其進士孫夢達  
著授為內閣中書遇缺補用

乾隆二十二年二月初八日

上諭內閣曰朕敬承

祖德問俗觀風嘉惠黎元培植士類今者乘春佈令載蒞東南濟濟青衿來迎道左因念三吳兩浙民多俊秀加以百年教澤比戶書聲應試之人日多而入學則有定數甚有皓首而困入童子試者其無遺珠之惜耶宜循舊典再沛渥恩其將江蘇安徽浙江三省本年歲試文童照乾隆十六年例府學及州縣大學增取五名中學增取四名小學增取三名各該學政其慎加甄別稱朕樂育人才之至意焉

乾隆二十二年三月初四日

上諭內閣曰明日覆考諸生顧震等五十人其進獻詩冊之二等諸生李如蘭等五十一人一併考試

乾隆二十二年三月初八日

上諭內閣曰浙江進獻詩賦考取一等之童鳳三陳文組顧震錢受穀著照乾隆十六年之例俱特賜舉人授為內閣中書學習行走與考取候補人員一體補用其二等之沈初等十二名著各賞緞二疋

乾隆二十二年三月二十一日

上諭內閣曰江蘇安徽二省進獻詩賦考取一等之進士王昶著授為內閣中書遇缺即補曹仁虎常謙恒吳省欽緒廷璋吳寬徐曰璉俱著特賜舉人授為內閣中書學習行走與考取候補人員一體補用其二等之劉潢等十四名著各賞緞二疋

乾隆二十七年二月二十九日

上諭內閣曰三吳兩浙文風素盛前此清蹕時巡嘉惠

膠庠頻增試額茲朕敬奉

皇太后安輿載莅南服仰惟

慈慶之綿臻益廣作人之雅化宜循舊典以示渥恩其將

江蘇安徽浙江三省本年應試文童府學及州縣大學增取五名中學增取四名小學增取三名各該學政務宜詳加校閱遴拔真才稱朕樂育甄陶至意

乾隆二十七年三月初十日

上諭內閣曰浙江進獻詩賦考取一等之進士孫士毅

舉人汪孟錫俱著授為內閣中書遇缺即補沈初王  
鑾俱著特賜舉人授為內閣中書學習行走與考取  
人員挨次補用其二等之李旦華等十三名著各賞  
緞二疋

乾隆二十七年三月二十八日

上諭內閣曰江蘇安徽進獻詩賦諸生考取一等之進  
士吳泰來陸錫熊郭元濬俱著授為內閣中書遇缺  
即補程晉芳趙文喆嚴長明徐步雲錢襄俱著特賜

舉人授為內閣中書學習行走與考取候補人員挨次補用其考列二等之劉潢等十四名著各賞緞二疋

乾隆三十年正月初六日

上諭內閣曰向來選拔貢生定例惟府學准選二名州縣學均係額取一名其江蘇安徽二省有分設各縣仍統於新舊兩學中彙拔一人貢入成均肄業茲當翠華臨幸正值選拔之年因念分設各邑版籍既繁

膠庠亦盛僅令兩學拔取一人懷才者亦不免拘於  
常格何以昭鼓勵而廣甄陶着加恩將江蘇安徽二  
省所有分設各縣准於本年選拔時每學各取一人  
俾得均沾惠澤該學政其悉心秉公遴選務取文行  
兼優之士用副廣勵學宮至意

乾隆三十年閏二月初五日

上諭內閣曰三吳西浙文風素盛昨於起鑒之先特降  
恩諭將江南分設各縣准於本年選拔時每學各取



一人以廣教澤茲當翠華莅止因念成均既多予拔  
尤而黌序亦宜增試額用循舊典以示渥恩其將江  
蘇安徽浙江三省本年應試文童府學及州縣大學  
增取五名中學增取四名小學增取三名各該學政  
務慎加遴選詳悉校閱副朕樂育作人至意

乾隆三十年閏二月十四日

上諭內閣曰浙江進獻詩賦考取一等之進士張培馮  
應榴舉人吳壽昌俱著授為內閣中書遇缺即補陸

費輝著特賜舉人授為內閣中書學習行走與考取  
候補人員挨次補用其二等之黃瀛元等十四名著  
各賞緞二疋

乾隆三十年三月十七日

上諭內閣曰江蘇安徽進獻詩賦諸生考取一等之舉  
人鄭灃張熙純俱著授為內閣中書遇缺即補鮑之  
鍾金榜秦潮周發春吳楷洪樸陳希哲蔣寬劉種之  
俱著特賜舉人授為內閣中書學習行走與考取候

補人員挨次補用其二等之程世鐸等二十一名著  
各賞緞二疋

乾隆四十五年二月十三日

上諭內閣曰三吳兩浙文風素盛前此清蹕時巡嘉惠  
膠庠特增試額茲當翠華臨莅宜循舊典以示渥恩  
著將江蘇安徽浙江三省本年應試文童府學及州  
縣大學增取五名中學增取四名小學增取三名各  
該學政務宜詳悉校閱遴拔真才副朕樂育甄陶至

意

乾隆四十五年三月初十日

上諭內閣曰浙江進獻詩冊考取一等之馬履泰沈颺  
李彤沈叔埏著特賜舉人授為內閣中書學習行走  
與考取候補人員挨次補用其二等之吳純等十三  
名俱著賞緞二疋

乾隆四十五年三月二十八日

上諭內閣曰江蘇安徽進獻詩冊諸生其考取一等之

舉人汪履基着授為內閣中書遇缺即補呂光復洪梧  
趙懷玉楊揆董教增朱文翰盛惇大言朝標金廷訢  
江連俱着特賜舉人授為內閣中書學習行走與考  
取候補人員挨次補用江西省考試一等之蔣知讓  
裘元復着照直隸山東召試之例賞給舉人准其一  
體會試其江蘇安徽江西三省考列二等之葉恩綬  
二十三名著各賞緞二疋

乾隆四十七年七月初八日

上諭內閣曰朕稽古右文究心典籍近年命儒臣編輯四庫全書特建文淵文溯文源文津四閣以資藏庋現在繕寫頭分告竣其二三四分限於六年內按期藏事所以嘉惠藝林垂示後世典至鉅也因思江浙為人文淵藪朕翠華臨蒞士子涵濡教澤樂育漸摩已非一日其間力學好古之士願讀中祕書者自不乏人茲四庫全書允宜廣布流傳以光文治如揚州大觀堂之文匯閣鎮江金山寺之文宗閣杭州聖因

寺行宮之文瀾閣所以藏書之所著交四庫館再繕  
寫全書三分安置各該處俾江浙士子得以就近觀  
摩謄錄用昭我國家藏書美富教思無窮之盛軌至  
前者辦理四庫全書考募各謄錄皆令自脩資斧五  
年期滿給予議叙至為優渥但人數衆多未免開俸  
進之門且現在議叙者尚慮壅滯若因此致碍選途  
又非朕策勵人才之本意此次續繕四庫全書三分  
俱著發內帑銀兩僱覓書手繕寫在鈔胥等受值傭

書自必踴躍從事而書成不致濫邀議叙亦於銓政無碍所有應辦各事宜及添派提調校對等官著交四庫全書館總裁悉心妥議具奏以副朕振興文教嘉惠多士之至意

乾隆四十九年二月二十一日

上諭內閣曰前因江浙為人文淵藪特降諭旨發給內帑繕寫四庫全書三分於揚州文匯閣鎮江文宗閣杭州文瀾閣各藏度一分原以嘉惠士林俾得就近



抄錄傳觀用光文治第恐地方大吏過於珍護讀書嗜古之士無由得窺美富廣布流傳是千緡萬帙徒為棟架之供無裨觀摩之實殊非朕崇文典學傳示無窮之意將來全書繕竣分貯三閣後如有願讀中祕書者許其陸續領出廣為傳寫全書本有總目易於檢查祇須派委妥員董司其事設立收發檔案登註明晰並曉諭借抄士子加意珍惜毋致污損俾藝林多士均得殫見洽聞以副朕樂育人材稽古右文

之至意

乾隆四十九年二月二十二日

上諭內閣曰江浙兩省文風素盛前此翠華臨幸曾降  
旨增廣試額茲舉六巡慶典允宜特沛恩施所有江  
蘇安徽浙江三省本年應試文童府學及州縣大學  
著增取五名中學增取四名小學增取三名各該學  
政務宜遴拔真才副朕嘉惠膠庠樂育甄陶之意

乾隆四十九年三月二十一日

上諭內閣曰浙江福建進獻詩冊考取一等之張師誠  
費錫章何金姚祖同著特賜舉人授為內閣中書學  
習行走與考取候補人員挨次補用浙江省考列二  
等之吳純張廷桂張彤王觀沈樹錢枚朱光烈汪步  
瀛黃紘凌鉞朱孫垣應澧許翼宗楊本翁樹沈珏翁  
瀛陸以誠福建省列為二等之鄭光策詹碧炎王上  
泰俱著各賞緞二疋

乾隆四十九年閏三月初九日

上諭內閣曰江蘇安徽進獻詩冊考取一等三名之進士莊選辰著授為內閣中書遇缺即補劉召揚鄭宗洛黃文輝汪彥博司馬亶葉銓孫一元繆炳泰莊復旦程振甲張曾獻鮑勳茂金應琦朱承寵俱著特賜舉人授為內閣中書學習行走與考取候補人員挨次補用江西省考取一等之譚光詳吳本著照上屆之例賞給舉人准其一體會試其江蘇安徽江西三省考列二等之周愛蓮蔣光世袁肅陸甲林張雲培

周嘉植洪士達唐仁埴秦智鉷徐準宜詹應甲唐廣  
模汪文錦胡鳳儀印鴻緯畢敦吳楷徐嵩張詒顧鳳  
毛翟金蘭黃鉞王浦程尚義吳紹涑方熊唐人最已  
慰祖閔道恂葉棟蔣知廉趙本治方振伍延曷黃旭  
棗元弼著各賞緞二疋

欽定南巡盛典卷七十四

欽定四庫全書

欽定南巡盛典卷七十五

顧俊

乾隆十六年二月二十七日大學士公傅恒等奏  
言該臣等會議得江浙兩省進獻詩賦之生監人  
等作何分別考試之處竊惟江浙為人文所萃重  
以

聖朝作養久道化成士風日盛茲值

翠華臨蒞更荷

特沛溫綸增廣學校取額

異數優渥無有倫比其進獻詩文賦頌自出於歡忭感激不能自已之至情今復蒙

諭旨考試甄錄仰見遴選真才敦尚實學之至意伏查江南省自入境以後江蘇各屬進士舉人生監人等陸續進

呈詩文業經學政臣莊有恭遵



旨詳閱前後兩次開列名單奏

聞共二十九名並蒙

御覽賞給緞疋之翁照陸遵書陸授詩等俱應令其與  
考伊等現已各回原籍應令學政莊有恭行文所  
屬指名調赴江寧省城恭候

駕至江寧之日定期考試再據安徽學政臣雙慶稱安  
徽各屬所有進獻詩賦之生監等俱在江寧恭候  
迎

鑒亦應俟

駕至江寧之日令該學政分別去取其入選者與江蘇  
獻詩人等俱在江寧一體考試至現在浙江省所  
有士子進獻詩文應交學臣雷鉉隨接隨看分別  
去取彙齊開列名單進

呈所有應考士子即令在杭州省城靜候考試應於  
駕至杭州江寧臣等會同酌擬日期奏

聞請

旨並特派監試大臣侍衛護軍人等監視稽查屆期該  
學政等恭請

欽命試題收卷進

呈其考試地方預備士子本日飯食茶水等項交各  
該督撫辦理務令嚴肅整齊以仰副我

皇上優渥隆恩有加無已之至意恭候

命下遵行奏入報

聞

乾隆四十五年三月二十三日兩江總督薩載江  
蘇學政劉墉安徽學政戴第元奏言竊臣等接江  
西撫臣郝碩學臣汪永錫咨開欽惟乾隆四十五  
年恭逢

聖駕南巡江西貢監生員等素深愛戴之忱共切就瞻  
之願內有于朝幹等三十三名情願前赴江南恭  
迎

鑾輅進獻詩賦伏查乾隆四十一年

聖駕巡幸天津

恩許外籍諸生一體進獻詩賦今江西士子請隨江左

諸生拜舞迎

鑾恭進

南巡詩賦并請附入鍾山書院恭候

召試等因移咨前來臣等查歷屆

聖駕南巡江西士子未遂覲

光之願茲來南迎

鑒獻賦益徵

聖主壽考作人之雅化應否准其與江南士子一體考試之處臣等未敢擅便謹恭摺具

奏奏入報

聞

乾隆四十九年三月十七日閩浙總督富勒渾奏

言恭照

鑒輅時巡士林歡慶除浙省

進獻詩賦各生經浙江學臣竇光鴈考試具  
奏外所有閩省進士生監鄭光策等九名瞻  
雲就

日愛戴同殷願請赴浙迎

鑒獻冊先准前任福建學臣朱珪考試列冊咨送嗣據  
該生等來浙適值布政使徐嗣曾奏准迎

鑒抵杭查開各生履歷申送經臣會同竇光鴈復行局  
試文理尚俱明順合無仰懇

聖慈俯准與浙省諸生一體考試之處出自

皇上天恩理合恭摺奏

聞另繕名單敬呈

御覽謹

奏奉

旨准其考試

乾隆十六年

南巡召試浙江諸生



欽命題目

賦得披沙揀金得真字五言八韻

明通公溥論

無逸圖賦

欽命閱卷大臣

協辦大學士吏部尚書臣梁詩正

兵部右侍郎臣汪由敦

欽取一等人名

謝 壻

陳鴻寶

王又曾

南巡召試江南諸生

欽命題目

蠶月條桑賦

賦得指佞草

得忠字五言八韻

理學真偽論

欽命閱卷大臣

大學士總督江南南河河道兵部尚書臣高 斌

兵 部 右 侍 郎 臣汪由敦

刑 部 左 侍 郎 臣錢陳羣

欽取一等人名

蔣雍正植

錢大昕

吳 烺

褚寅亮

吳志鴻

孫夢達

乾隆二十二年

南巡召試浙江諸生

欽命題目

黃屋非堯心賦

明通公溥論

賦得蠶月條桑

得留字五言八韻

欽命閱卷大臣

大

學

士臣蔣溥

工

部

尚

書臣秦蕙田

戶

部

左

侍

郎臣劉綸

欽取一等人名

童鳳三

陳文組

顧震

錢受穀

南巡召試江南諸生

欽命題目

精理亦道心賦

經義制事異同論

賦得鴻漸于陸得時字五言八韻

欽命閱卷大臣

協辦大學士吏部尚書臣梁詩正  
兵部尚書兩江總督臣尹繼善  
都察院左副都御史臣竇光鼐  
欽取一等人名

王昶

曹仁虎

韋謙恒

吳省欽

褚廷璋

吳寬

徐曰璉

乾隆二十七年

南巡召試浙江諸生

欽命題目

賦得春兩如膏得逢字五言八韻

和闐玉賦以分寶輯瑞西旅底貢為韻



海塘得失策

欽派閱卷大臣

大

學

士臣劉統勲

兵

部

尚

書臣劉綸

戶

部

右

侍

郎臣于敏中

欽取一等人名

孫士毅

汪孟鋐

欽定四庫全書

卷七十五

沈初

王鑒

南巡召試江南諸生

欽命題目

賦得江漢朝宗得宗字五言八韻

觀回人繩伎賦

耗羨有無利弊策

欽命閱卷大臣

兵部尚書兩江總督臣尹繼善

兵部尚書臣劉綸

戶部右侍郎臣于敏中

欽取一等人名

程晉芳

趙文喆

吳泰來

陸錫熊

郭元澄

嚴長明

徐步雲

錢襄

乾隆三十年

南巡召試浙江諸生

欽命題目

菜花賦

誠無為幾善惡論

賦得春蠶作繭得同字五言八韻

欽命閱卷大臣

戶部尚書臣于敏中

兵部右侍郎臣蔣 櫟

禮部左侍郎臣雙 慶

內閣學士兼禮部侍郎臣全 魁

欽取一等人名

張培

吳壽昌

陸費墀

馮應榴

南巡召試江南諸生

欽命題目

賦得稼穡為寶得夫字五言八韻

玉壺冰賦

聖人定之以中正仁義而主靜論

欽命閱卷大臣

御前大臣大學士仍理兩江總督事務臣尹繼善

協辦大學士刑部尚書暫留江蘇巡撫臣莊有恭

戶部尚書臣于敏中

戶部左侍郎兼管順天府府尹事臣錢汝誠

內閣學士兼禮部侍郎安徽學政臣全魁

欽取一等人名

鮑之鍾

金榜

秦潮

鄭灃

張熙純

周發春

吳楷

洪樸



陳希哲

蔣寬

劉種之

乾隆四十五年

南巡召試浙江諸生

欽命題目

集賢院山池賦

木之神不二論

賦得春風扇微和  
得巡字五言八韻

欽命閱卷大臣

協辦大學士吏部尚書臣嵇璜

吏部右侍郎江蘇學政臣劉墉

禮部右侍郎臣達椿

欽取一等八名

馬履泰

沈 颺

李彤

沈叔埏

南巡召試江南諸生

欽命題目

養老乞言賦

先天學心法也論

賦得日華川上動

得暉字五言八韻

欽命閱卷大臣

協辦大學士吏部尚書臣嵇璜

戶部尚書臣梁國治

戶部左侍郎臣董誥

戶部右侍郎江蘇學政臣彭元瑞

內閣學士兼禮部侍郎臣嵩貴

欽取一等人名

呂光復

洪梧

趙懷玉

汪履基

楊揆

董教增

朱文翰

盛惇大

言朝標

金廷訢

江 漣

蔣知讓

以下江西省

裘元復

乾隆四十九年

南巡召試浙江諸生

欽命題目

禮義為器賦

暑變物性寒變物情論

賦得南埤北漲 得心字五言八韻

欽命閱卷大臣

文淵閣大學士臣嵇璜

戶部尚書臣和珅

內閣學士兼禮部侍郎臣尹壯圖

內閣學士兼禮部侍郎臣朱珪

欽取一等人名

張師誠

費錫章

何金

姚祖同

南巡召試江南諸生

欽命題目

士仲知己賦以君子和而不同為韻

謹權衡論

賦得至人心鏡得無字五言八韻



欽命閱卷大臣

協辦大學士戶部尚書臣梁國治

戶部尚書臣和珅

戶部左侍郎臣董誥

內閣學士兼禮部侍郎臣朱珪

翰林院侍讀學士臣阿肅

欽取一等人名

劉召揚以下江蘇省

鄭宗洛

莊選辰

黃文輝

汪彥博

司馬亶

葉銓

孫一元

繆炳泰

莊復旦

程振甲

張曾獻

鮑勲茂


金應錡

朱承寵

譚光祥

以下江西省

吳本



欽定南巡盛典卷七十五

欽定四庫全書

史部

欽定南巡盛典卷七十六

七

詳校官兵部主事臣雷純

欽定四庫全書

欽定南巡盛典卷七十六

閱武

臣等謹按較閱之法莫詳于周禮大司馬職中春  
教振旅中夏教茺舍中秋教治兵中冬教大閱蓋  
聖王寓軍政于狩田而鼓鐸錫鏡之用坐作進退  
之節綦備焉漢制京師有南北軍為天子所親試  
而郡國材官騎士歲時之試則守臣主之唐宋以

來相沿不改夫兵可百年不用不可一日不備易  
之師曰容民畜衆書之立政曰克詰戎兵震疊懷  
柔理無偏廢我

皇上聖神文武撫育萬方威稜懾于遐邇偉伐錫于貞  
石猶且木蘭

秋徧南苑

春蒐載纘于苗肆勤繩

武蓋

仁育義正之規未有如斯之懿燦者也江浙沐浴

湛恩久安耕鑿材勇技擊之士既無所用其蹶張因得

講習知方雍容決拾而

清蹕所經又必討軍實而申倣之

親臨簡閱指示樞鈐因以廣勵戎行普行

慶賞厲韎韋之壯氣草絲竹之靡音意美法良靡不賅

舉所謂覲

光揚



烈足兵衛民禮各有宜備斯無患即古岐陽甫草之盛未  
足以比方萬一曾何有于長揚羽獵華林馬射之  
云爾哉謹志

閱武第九

欽定四庫全書

欽定南巡盛典卷七十六

閱武

乾隆二十二年二月二十七日

上諭內閣曰今日朕至杭州省城其接駕之綠營兵丁有  
奏簫管細樂者夫身隸行伍當以騎射勇力為重戍樓  
鼓角不過用肅軍容即古者鐃歌鼓吹之詞亦以鳴其  
得勝之氣耳若吹竹彈絲技近優伶豈挽強引重之夫

所宜相效此等綠營陋習各省均所不免可傳諭各該督撫提鎮等轉飭所屬標營嗣後營伍中但許用鉦鼓銅角其蕭管細樂概行禁止

乾隆二十六年十一月十七日

上諭內閣曰伍彌泰等奏請明歲南巡伊等揀選江寧京口官兵沿河安設臺站等語朕幸南省所有京城隨從官兵足敷當差至上船時於官兵內尚且酌量存留伊等縱遠接亦無用處明歲所有江寧京口兵丁不必迎

至宿遷亦不必安設臺站預備差使

乾隆十五年五月初六日總理行營王大臣和碩莊親王允祿等奏臣等議得江寧將軍保德等奏稱辛未年皇上南巡臣等駐防地方老少俱得瞻仰

聖顏不勝欣悅官兵等亦各得隨

行營當差無不踴躍伏查康熙年間將軍副都統等帶領官兵在宿遷地方接

駕明春

聖主南巡臣保德祁爾丹富昌等請帶領官兵六百名  
前至宿遷地方接

駕所帶之官兵日則隨

駕當差夜則支更等語查明春

聖駕南巡所有隨

駕官兵俱係酌量派定差使裕如

駕至宿遷地方必由舟行兩岸路窄隨從當差無關緊  
要之人尚且存住若如該將軍等所請帶領官兵

六百名接

駕人數過多沿途行走一切地方必至擁阻似毋庸若許人等但該處官兵幸際

聖駕親臨而不得龜勉當差殊屬不安臣等酌議交與將軍江寧駐防官兵內挑取二百名前至宿遷地方接

駕沿途照木蘭學習行圍人等之例交與護軍統領等日則與護軍人等一同當差夜則支更至將軍副

都統等若俱前來接

駕則省城内存下官兵尚多不可無大員管束况

聖駕至江寧省時副都統等亦得瞻仰

聖顏所有宿遷接

駕之處應止令該將軍保德帶領官兵前來其副都統

祁爾丹富昌等不必前來在該處等候奏入報

可

乾隆十五年七月初六日大學士公傅恒等奏言

本年三月內鎮海將軍趙宏恩等奏明春

皇上南巡所有沿途一帶應於駐防弁兵內派撥護送  
自清江浦至鎮江分作十臺每臺撥兵四十名經  
臣等議以安臺派撥四十名未免過多或酌派三  
十名或十數名沿途護送亦屬可行應令該將軍  
會同總督黃廷桂妥商定議再江寧杭州俱有駐  
防辦理自宜畫一亦行令該督等會同該省將軍  
都統一體妥商今稱詳細議商量為臧撥鎮江兵



丁自清江浦至水洲分設十臺江寧兵丁自鎮江  
至平望分設十臺各臺派官一員兵二十名派協  
領二員以為統轄自鎮江至江寧派江寧兵十名  
鎮江兵十名各官一員在於龍潭安設一臺至浙  
江總督將軍業已咨商該督等自另摺具奏其安  
臺地方另行委員勘定查沿途護送惟期人數足  
敷差遣可以不必過多是以臣等原議將派撥四  
十名之處令會同總督黃廷桂等妥議今據奏安

臺派官一員兵二十名已較原奏量為裁減自清江浦至瓜洲十臺則派撥鎮江駐防自鎮江至平望十臺則派撥江寧駐防辦理亦已畫一但所奏安臺派兵二十名猶覺過多酌派十名已敷沿途防護差遣應令該將軍等預為派撥以備明春臨期護送所派兵弁必悉心選擇務得賢能強壯之人足供使令者方為妥協其安臺地方亦應飭委幹員詳加勘定總期前後適中庶聯絡照應一切不

致貽悞至杭州駐防應如何預備派撥之處亦毋庸俟該省總督將軍另行具奏應俟臣等此奏命下之日行文知會仿照江省之例酌量辦理奏入得旨依議

乾隆十五年十二月十三日兩江總督黃廷桂江寧將軍保德奏言竊照江寧省城駐防滿漢兵丁明春

聖駕臨幸應備

大閱但查滿兵雖有四千除循例輪派水操兵一千名之外實兵止有三千名而營汛遼濶堆卡繁多兼之臨時各項差務所餘無多又督標兩營及城守兩營額兵止共二千餘名除去親丁公費並分防差務之外餘兵更屬有限若滿漢各自分操備

閱為數既少隊伍不密似不足以壯軍威而肅觀瞻臣等公同商酌仿照直隸保定府滿漢合操之例預備滿兵一千五百名漢兵一千五百名會合操練

祇候

皇上臨閱以整部伍以壯軍容奏入報

可

同日兩江總督黃廷桂奏言江寧鎮江蘓州等處  
應行預備官兵祇候

大閱除江省滿漢合操緣由臣另摺恭

奏外其鎮江駐防旗兵與將軍標營漢兵均應在教  
場預備又將軍所管水師標兵應在江面預備惟

蘇州撫標額兵僅止五百餘名除親丁公費并差防之外餘兵甚少不足備

閱查鄧尉山下前傍太湖此地水勢不深溜亦平恬帆檣易施合操水陣較京口大江中流上下往來不免濡滯者似覺捷便可觀臣謹量調蘇松鎮標及太湖營船隻於鄧尉山下操船預備恭候

皇上駕臨鄧尉登山

閱視奏入報

聞

乾隆十五年十二月十四日兩江總督黃廷桂奏

言明春

翠華南幸蘇松水師鎮臣王澄係武職大員理應隨臣  
叩接

聖駕但查鎮屬高家嘴汎地係內外大洋通連要隘高  
家嘴之內又有呂泗一汎係江海交接之區風帆  
便利自高家嘴兩日可達鎮江所以每歲立春以

後定有鎮臣帶領弁兵巡緝洋面之例我

朝德威遠播數十年來久已海不揚波惟是春初

御輅臨幸

臣

等身任地方不敢不加意慎重臣謹擬令

該鎮於正月初旬遵照往例即赴高家嘴一帶外  
洋率領將弁加意巡防其呂泗係狼山鎮標右營  
所轄即調該管將領帶兵駐守仍交狼山鎮一體  
督察恭候

聖駕將臨京口令鎮臣王澄先期由水路前來祇候迎



鑒其高家嘴洋面飭令在彼將弁梭織巡遊毋許疎懈  
在鎮臣既可遂其瞻

天仰

聖之誠而海洋重地得有大員督巡似更嚴密再查京  
口焦山之下僻處江心懸隔江岸臣更將海船弁  
兵量調三十隻周圍屯紮以肅警蹕至各處支河  
港汊并

大營防護外衛以及沿途站道官兵臣各行提臣武

進陞率同狼山鎮臣魏文舉壽春鎮臣常岱管領  
約束合并

奏明伏祈

皇上睿鑒奏入報

可

乾隆十六年二月二十七日閩浙總督喀爾吉善  
奏言臣於乾隆十四年冬間入覲

天顏荷蒙

皇上詢及南巡事宜經臣將閱看水操必須在乍浦西山炮臺地甚淺窄風汎亦須守候據實具奏面奉諭旨乍浦朕不必前往閱看臨時或遣王子或差大臣往看彼處不必預備欽此臣於上年秋間到浙與提臣譚行義酌定於沿海水師各營內按額設戰船兵數之多寡每營調撥一二隻不等配足兵丁器械派委隣近之定海鎮總兵官陳鳴夏預期統領前赴乍浦洋面伺候會同乍浦滿營水師兵合

操陣勢第臣伏查操演舟師全藉風力在內洋更  
須候風汎地勢相合方可開篷出碇布列陣勢如  
遇無風之期固不能操演而乍浦係向南洋面遇  
南風直抵山脚石礁遇北風颺出外洋俱不便操  
演惟東南西南諸風汎方可開操大臣赴乍浦須  
等候風汎與洋面相合然後開操不能一到即閱  
如俟

聖駕抵省後奏請

欽點大臣前往恐有稽程限臣查乍浦即在嘉興府屬  
平湖縣境自嘉興府至乍浦路僅一百三四十里  
又支河一水可通臣先期已飭地方官預備小船  
乘坐前往相應具摺奏請

特派大臣赴乍浦閱看水操事竣仍由水路至嘉興府  
回至省城復

命至乍浦滿營水師將軍臣薩爾哈岱有統轄之責理  
應隨同

欽差前往閱操第恭逢

聖駕臨幸省城將軍應在省伺候

皇上親閱陸路操演並統率官兵辦理省城差使未便

前往乍浦其乍浦副都統臣額爾登現今奉

旨令跟隨護軍統領沿途一體辦差乍浦滿營水師係

伊管轄兵丁應請令額爾登即從嘉興跟隨

欽差大臣赴乍浦閱操事竣仍赴省恭候

差遣合并陳明奏入得

旨命納延泰閱之

乾隆十六年三月十二日大學士公傳恒奏言查得去年

皇上豫省閱兵時曾賞演陣之巡撫大緞三疋總兵官  
城守尉等大緞各一疋八絲緞各一疋參將佐領等  
八絲緞各一疋都司守備防禦等金獎武牌各一  
面千總把總等銀獎武牌各一面此次浙省演陣  
大臣官員兵丁賞賜之處遵

旨酌議亦照前賞賜外再預備步射騎射花馬箭放鳥鎗騎射跑解舞藤牌官員兵丁等亦照此賞賜內有演陣而又預備各樣技藝官五員兵二名臣等酌量議於伊等演陣之應得賞賜等項外增賞官員貂皮各一張兵丁銀獎武牌各一面謹將應賞大臣官員兵丁人數與物件數目另繕清單一併進呈俟

命下之日所賞貂皮緞疋金銀獎武牌赴廣儲司支領



賞給奏入報

可

乾隆十六年三月二十四日行在兵部奏言明日  
江寧駐防官兵及綠旗營兵合操請酌量於伊等  
齋集時先往操演一次恭俟

皇上閱看今將陣圖并官兵數目一并進  
呈奏入報

聞

乾隆十六年三月二十六日大學士公傳恒等奏  
言遵

旨賞發江寧省演陣大臣官兵酌議亦照賞給浙江省  
演陣大臣官員兵丁之例將軍總督以下防禦守  
備以上等官分別賞給緞疋驍騎校滿洲兵丁賞  
給一月錢糧千總把總外委把總綠旗兵丁賞給  
獎武銀牌今將應賞大臣官員兵丁及物件數目  
另繕清單謹

呈俟

命下之日賞給驍騎校兵丁一月錢糧著該將軍飭行  
藩司支給外其賞給大臣官員緞疋及綠旗千把  
總兵丁獎武牌著在廣儲司支領賞給奏入得

旨如所議行

乾隆二十年十一月二十六日護理鎮海將軍印  
務京口副都統伊林阿奏言乾隆十六年

聖駕南巡前任將軍趙宏恩奏請帶領官兵二百名前

往宿遷縣地方恭迎

聖駕經軍機大臣議以京口至宿遷路途不遠又係江南境內請照該將軍所請准其帶領官兵二百名至宿遷縣地方恭迎

聖駕今將軍李紱尚未到任俟到任時遵照前例帶領官兵二百名前往宿遷縣地方恭迎

聖駕日則敬謹隨行夜則守更巡邏倘將軍李紱未及到任伏乞

皇上即准臣等帶領官兵迎接再查乾隆十六年

聖駕南巡前任將軍趙宏恩奏請安臺一摺經軍機大臣議覆准行自瓜洲起至清江浦止安設十臺於龍潭地方江寧京口合設一臺明歲

聖駕南巡臣等請亦照前例辦理奏入

上諭曰安臺照前兵丁不必來接

乾隆二十一年十一月初十日江寧將軍德敏奏言恭照乾隆十六年

聖主南巡前任將軍保德等奏請帶領官兵接

駕一事經總理行營王大臣議准將江寧駐防官兵內  
挑取二百名前至宿遷地方接

駕沿途照木蘭學習行圍人等之例交與護軍統領日  
則與護軍人等當差夜則巡邏支更至省城內存  
下官兵尚多必須有大員管束應祇令該將軍帶  
領官兵前至宿遷接

駕其副都統等不必前來明春

聖駕南巡臣等遵照前例派官十六員兵二百名臣德敏帶領前至宿遷地方接

駕所帶官兵仍照例交與護軍統領與護軍等一同支更當差再辦理江寧馬匹總督尹繼善

奏准派副都統一員辦理臣等請將副都統富昌帶領江寧八旗馬匹在京口地方預備

聖駕未至京口之前富昌過江恭請

聖安副都統佟明存住守城暫理將軍印務約束官兵

聖駕未至江寧之前佟明在龍潭地方恭請

聖安奏入報

聞

乾隆二十一年十一月十一日江寧將軍德敏奏

言恭照乾隆十六年

聖駕南巡由臣等奏派官兵沿河坐臺其江寧官兵自京口起至平望地方安設十臺每臺官一員兵十名派協領二員統轄其京口官兵自京口起至清



江浦地方安設十臺每臺官一員兵十名派協鎮  
二員統轄龍潭地方江寧京口官兵合設一臺每  
處官一員兵五名明春

聖駕南巡臣等請仍照十六年定例分別預備奏入報  
聞

乾隆二十二年二月二十六日杭州將軍薩爾哈  
岱閩浙總督喀爾吉善浙江巡撫楊廷璋浙江提  
督武進陞同奏言竊照浙江滿營綠營各官兵馬

步技勇自乾隆十六年荷蒙

皇上校閱迄今五載恭逢

翠華重幸將士歡騰臣等謹於杭州省城滿營教場預

備滿營操陣綠營操陣并照上屆預備滿營綠營

合操陣式伏候

皇上訓示應閱何項屆期祇候恭請

大閱奏入得

旨滿漢合操

乾隆二十二年二月二十九日大學士公傳恒奏  
言遵

旨賞賜浙江省合操大臣官員兵丁之處查十六年

皇上賞賜浙江省大臣官員兵丁自將軍總督以下防  
禦等官以上俱經分別賞給緞疋驍騎校兵丁給  
獎武銀牌今此次浙江省合操大臣官員兵丁請  
俱照十六年之例賞給再

皇上前步射騎射對撲馬上打鎗官兵應入於合操官

兵內一體賞給所有應賞之大臣官員兵丁數目所賞之緞足錢糧銀牌數目另開清單一併進

呈其賞給驍騎校及滿兵之一月錢糧亦照前交於行在戶部將兩淮鹽項銀兩內動支除應賞之緞足銀牌由廣儲司支領外是日舞籐牌之浙江福建省分綠營官兵前蒙

皇上親閱時已經

恩賞此次應毋庸再議奏入得

旨如所議行

乾隆二十二年三月二十日大學士公傳恒等奏  
言遵

旨賞給江寧省演陣大臣官員兵丁一事查十六年賞  
給江寧省演陣將軍總督以下防禦以上俱分別  
賞以緞疋驍騎校兵丁俱賞一月錢糧綠營兵丁賞  
獎武銀牌此次演陣江寧省大臣官員兵丁等請  
俱照十六年之例賞給再

御前射箭對撲官兵亦照演陣官兵一體賞給其摺跋  
滿洲兵丁有閒散二名未食錢糧之人應請每人  
賞給銀牌一面所有應賞演陣之大臣官兵等數  
目併賞給緞疋錢糧銀牌數目另繕清單一併進  
呈所有賞給緞疋銀牌在廣儲司支領賞給驍騎校  
兵丁一月錢糧亦照上次交

行在戶部飭行布政司庫銀內動支奏入得

旨如所議行

欽定南巡盛典卷七十六

欽定四庫全書

欽定南巡盛典卷七十七

閱武

乾隆二十七年三月初一日杭州將軍福祿閱浙  
總督楊廷璋浙江巡撫莊有恭浙江提督王無黨  
同奏言浙江滿營綠營各官兵馬步技勇自乾隆  
二十二年荷蒙

皇上校閱後迄今又歷五載經臣等督飭將備勤加訓



練不時操演不敢稍有懈怠茲恭逢

鑾輅重臨將士歡騰踴躍急思獻技以展報効之誠臣

謹於杭州省城內滿營教場預備滿營操陣綠營

操陣并照前兩屆預備滿營綠營合操陣式伏候

皇上訓示應閱何項屆期祇候恭請

大閱再閩省藤牌兵及浙閩二省挑取之各種雜技兵

丁一并帶齊恭候

睿覽奏入得

旨滿漢合操

乾隆二十七年三月初四日閩浙總督楊廷璋奏  
言臣自福建帶來藤牌兵八隊共計二百二十二  
名硬弓兵十名馬上三鎗兵十名擬於初五日在  
滿營教場於滿漢合操之後恭備

簡閱奏入報

聞

乾隆二十七年三月初四日閩浙總督楊廷璋奏

言

臣

於閩省水兵內挑有泅水兵數十名扒桅兵

數十名委官管帶來浙於錢塘江演試習練敬備

御閱先經奏明循照前屆於觀潮樓前預備今因樓下

漲沙綿遠約二里有餘水兵於該處呈技

閱視未能親切今改於望江亭預備祇候

聖駕臨幸六和塔時令各兵分別演試奏入報

聞

乾隆二十七年三月初九日大學士公傅恒奏言

上次賞賜浙省合操大臣官員兵丁人等將軍總督以下防禦以上綠營大小官員俱經分別賞賜緞疋驍騎校兵丁俱各賞給一月錢糧千把外委綠旗兵丁賞賜獎武牌帶領此項兵丁官員分別賞賜緞疋金牌此次閱操浙江滿營綠營大小官員兵丁及浙閩藤牌兵馬上鎗兵丁並帶領此項兵丁官員俱請照上次賞賜烏鎗兵中三鎗者五人每人賞給銀牌二面中兩鎗者五人每人賞給

銀牌一面所有應賞大小官員職名兵丁數目賞  
賜緞疋錢糧金牌銀牌數目另繕清單一併進

呈所有賞給驍騎校滿兵一月錢糧銀兩交

行在戶部於兩淮鹽項銀兩內動用所有賞賜緞疋  
金牌由廣儲司支取奏入得

旨莊有恭照將軍總督例賜之餘依議

乾隆二十七年三月二十六日大學士公傳恒奏  
言遵

旨賞給江寧省演陣大臣官員兵丁一事查得上屆將軍總督以下防禦以上大臣官員等俱分晰賞給緞疋驍騎校兵丁俱賞一月錢糧綠營兵丁賞獎武銀牌此次江寧省演陣大臣官員兵丁等俱請照上屆之例賞給所有演陣之大臣官兵等數目並賞給緞疋錢糧銀牌數目另繕清單一併進呈所有賞給緞疋銀牌在廣儲司支領外賞給驍騎校兵丁一月錢糧交戶部飭行布政司庫銀內動

支奏入得

旨如所議行

乾隆三十年二月二十四日杭州將軍福祿閩浙  
總督蘇昌浙江巡撫熊學鵬浙江提督武進陞奏  
言浙省滿營綠營各官兵馬步技勇自乾隆二十  
七年荷蒙

聖主幸浙校閱後迄今又歷三載經臣等督飭協領將  
備等勤加訓練不時操演不敢稍任廢弛茲恭逢

鑾輅重臨將士歡騰踴躍急思獻技以展報効之誠臣

等謹於杭州省城滿營教場預備滿兵陣式綠旗

兵陣式伏候

皇上訓示應閱何項屆期恭請

大閱再閱省簾牌兵及浙閩二省挑取之各項雜技兵

丁一併帶齊敬候

睿覽其乍浦水操一項先經前督臣楊廷璋具奏欽奉

硃批不必預備合併陳明奏入得



旨滿漢合操

同日閩浙總督蘇昌奏言歷屆

翠華南幸俱經前督臣將閩省藤牌兵挑選二百餘名  
帶赴浙省仰荷

聖主恩准預備閱視各官兵叨蒙

恩賞榮幸非常至今感淪肌髓茲欣聞

聖主載舉時巡盛典各兵丁無不踴躍歡欣心殷獻技

爭趨恐後臣隨酌調漳泉二屬牌兵二百餘名飭

委將領備弁管帶來浙適漳州鎮總兵任澍奏准  
赴浙接

駕臣隨囑令將牌兵再加操演純熟配成隊伍於省城  
滿營教場預備敬候

大閱滿洲綠營官兵後即令牌兵演技恭備

御覽再聞浙二省各營內有硬弓馬鎗跑解騙馬各雜  
技兵丁亦各酌挑數名隨營伺候其閩省泗水扒  
桅各兵亦照前在錢塘江預備祇候

聖駕臨幸觀潮樓以俟

親閱奏入報

聞

乾隆三十年閏二月初七日閩浙總督蘇昌奏言

臣於閩省水兵內挑選泅水兵數十名扒桅兵數名委官管帶來浙於錢塘江演試習練敬備

御閱先經奏明伏查錢塘江觀潮樓前沙消水近各水兵於該處呈技

閱視尚屬親切臣敬謹預備祇候

聖駕臨幸觀潮樓時令各兵分別演試奏入報

可

乾隆三十年閏二月初十日大學士公傅恒奏言  
遵

旨賞賜浙省合操大臣官員兵丁人等一事查得上次  
賞賜浙江操兵之大臣官員兵丁人等自將軍總  
督以下防禦以上大臣官員及綠營大臣官員俱

經分別賞給緞疋驍騎校兵丁俱賞一月錢糧綠營千總把總外委百總兵丁賞給獎武銀牌浙閩舞牌馬上鎗各兵等俱經賞給獎武銀牌其領操官員分別賞給緞疋金銀牌每人銀牌二面中二鎗者加賞銀牌一面今次除將合操之浙江滿洲綠營大臣官員兵丁人等及浙閩舞牌馬上鎗兵丁領操之官員等照上屆賞賜外請將鎗兵內中三鎗者二名每人加賞銀牌二面中二鎗者四名

每人加賞銀牌一面復查十六年二十二年間浙  
江巡撫俱入於提督副都統等次內賞賜惟二十

七年奉

旨莊有恭照將軍總督一體賞賜今次熊學鵬或照提  
督副都統或照將軍總督賞賜之處伏候

指示遵行謹將應賞大臣官員職名兵丁數目賞賜緞  
疋錢糧金銀牌面數目另繕清單敬呈

御覽請將賞給驍騎校兵丁銀兩交

行在戶部於兩淮鹽課內動支所賞緞足金銀牌面  
於廣儲司支取奏入得

旨熊學鵬照將軍總督例賜之餘依議

乾隆三十年三月初八日大學士公傅恒奏言遵  
旨查賞江寧合操大臣官員兵丁上屆自總督以下守  
備等官以上大臣官員俱經分別賞給緞足駢騎  
校領催兵丁賞給一月錢糧綠旗兵丁賞給獎武  
銀牌此次合操江寧省城大臣官員兵丁請俱照

上屆賞給並將應賞之大臣官員兵丁數目及放賞之緞疋錢糧銀牌數目另繕清單恭呈

御覽除所需放賞之緞疋銀牌由廣儲司領取外驍騎校滿洲兵丁所得應賞一月錢糧交戶部動用藩司庫項賞給奏入得

旨如所議行

乾隆四十五年二月二十三日閩浙總督三寶福建提督黃仕簡奏言福建水師兵丁演試水操洵



水扒桅等技上屆

聖駕幸浙曾蒙

賜覽臣於上年調任閩浙抵任後接准前督臣楊景素

札稱赴京

陛見業經奏明

聖駕南巡時

閱視可帶至浙江在六和塔江面預備當經臣等挑取

熟習水性兵丁現已帶至杭州惟查六和塔江面

現在北面漲沙較遠水操船隻難以遙視查上屆  
恭逢

聖駕南巡演試水技兵丁俱在秋濤宮今次臣等查明  
該處冬間雖覺江水稍淺交春之後連得雨澤江  
水漸深堪以操演應請仍在秋濤宮預備屆期恭  
請

閱視奏入報

聞

同日杭州將軍傅玉閩浙總督三寶浙江巡撫王  
賈望浙江提督劉鑑杭州副都統舒楞額乍浦副  
都統永慶奏言浙江省滿營綠營官兵經<sub>臣</sub>等督  
飭協領將備等勤加訓練不時操演不敢稍任廢  
弛伏查乾隆三十年荷蒙

聖主幸浙校閱滿漢合操之後迄今已十餘載茲恭逢  
鑒輅載臨各營將士歡欣踴躍急思獻技以展報効之  
誠<sub>臣</sub>等謹於杭州省城滿營教場預備滿兵陣式

綠旗陣式并照歷屆預備滿營綠營合操陣式伏  
候

皇上訓示應閱何項屆期恭請

大閱再閱省藤牌兵丁經

臣

三寶與陸路提

臣

俞金鰲

照例挑取熟練兵丁現帶至浙並將閩浙二省挑  
取之各項兵丁一併帶齊敬候

聖覽奏入報

聞

乾隆四十五年三月初六日尚書公福隆安奏言  
遵

旨賞賚浙江省合操大臣官員兵丁一事

臣

查得上屆

所賞浙省合操大臣官員兵丁將軍總督以下防  
禦以上大臣官員俱各分別賞給緞疋驍騎校兵  
丁等各賞給獎武銀牌浙江福建牌兵打馬上鎗  
兵俱賞獎武銀牌領隊官員分別賞給緞疋金牌  
此次浙江合操滿漢大臣官員兵丁浙江福建牌

兵打馬上鎗兵等領隊官員均照前例賞給外復  
查三十年浙江提督曾照將軍總督一例賞賚此  
次劉鑑或照副都統或照將軍總督例賞賚之處  
恭候

諭旨欽遵外謹將應賞大臣官員銜名兵丁額數并賞  
緞疋錢糧金銀牌面數目另繕清單一併恭呈  
御覽所有驍騎校滿洲兵丁應賞銀兩行文

行在戶部於兩淮鹽銀項內動支所有緞疋金銀牌

而於廣儲司支取奏入得

旨劉鑑照副都統例賜之餘如所請

乾隆四十五年三月二十八日尚書公福隆安奏  
言查得江寧省閱兵大臣官員兵丁賞賚上次將  
軍總督以下防禦以上大臣官員分別賞給緞疋  
驍騎校領催兵丁俱各賞給一月錢糧綠營兵丁  
賞給獎武銀牌此次閱兵江寧省大臣官員兵丁  
俱照上次之例賞給其應賞閱兵大臣官員兵丁

數目及賞給緞疋錢糧銀牌數目另繕清單一併  
進

呈所賞緞疋銀牌由廣儲司支領外其賞給驍騎校  
滿洲兵丁一月錢糧交與戶部由藩庫銀內動用  
奏入報

可

乾隆四十九年三月十二日杭州將軍常青閩浙  
總督富勒渾浙江巡撫福崧浙江提督喬照杭州



副都統永慶奏言浙江省滿營綠營官兵恭值

翠華臨幸歷蒙

恩賜校閱茲欣逢

鑾輅載臨各營將士踴躍騰歡咸思獻技臣等現於杭  
州省城滿營教場敬謹預備分別繪具分操合操  
圖式伏候

聖主臨省

示期

大閱再閱省藤牌兵丁先經臣富勒渾與陸路提臣常

青照例挑取熟練各兵派員帶領來浙與閩浙二

省挑取各項兵丁一并帶齊敬候

宸覽奏入報

聞

同日閩浙總督富勒渾浙江巡撫福崧福建水師  
提督黃仕簡奏言福建水師兵丁演試水操及泅  
水扒桅等技恭值

聖駕南巡歷蒙

賜閱茲欣逢

鑾輅載臨

臣

富勒渾

臣

黃仕簡挑取熟習水性兵丁派

員帶領來浙

臣

富勒渾並即會同

臣

福崧勘擇梵

村地方江深水緩堪以依法駕駛隨即恭建

行殿繪具圖說敬謹預備查該處係自西湖


行宮至雲棲順道伏候

聖主幸浙

示期

賜閱奏入報

聞



欽定南巡盛典卷七十七